

partes infernas, ac proinde serpenti viciniores, sauciasset.

Sed quæ causa fuit, inquiet quispiam, quod serpens, dum exiret, Adolescentem vulneravit? Causam hanc puto, Auditores nobilissimi, quia cum jam ad os Adolescentis pervenisset, magnoque conatu egredi contendisset, vel deglutiendo, summisque viribus inspirando, ne suffocaretur, retardatus, & aliquo modo impeditus ab Adolescente fuit: vel labijs, dentibusve ab eodem compressus: unde serpens irritatus, mordendo injuriam propulsare, & quasi vindicare se attentavit. Sexto idem planum facere spuma videtur: quæ partim projecta in terram: partim adhuc ori Adolescentis, quamvis exigua in quantitate, affixa conspiciebatur. Icti à serpentibus externis spumam haud emittunt, velut aulovsia demonstrat. Quid ergo causa fuit, quod Adolescens noster spumavit? Causam reor serpentis egressum ex ore fuisse. Nam cum egrederetur, asperam arteriam, quæ gulæ contigua, coarctabat: epiglottida deprimebat: rimulam laryngis, per quam inspiramus & expiramus, constringebat: ac propterea Adolescentem suffocabat. Suffocatis autem spumam circa os colligi solere, & experientia testatur quotidiana: & Hippocrates ostendit
aphor.